

A wide-angle photograph of a busy pedestrian street in Glasgow, Scotland. The street is filled with people walking in both directions. On the right side, there are historic stone buildings with large windows and a sign for 'Pizzeria AMARONE RESTAURANTE'. On the left, there are modern buildings and a 'Starbucks' sign. In the center, there are several large banners hanging from poles, including one for 'GLASGOW 2018' and another for 'EUROPEAN CHAMPIONSHIPS'. The sky is overcast.

Ro-innleachd Còmhdhail Ghlaschu – Frèam Poileasaidh airson Deasbad is Co-chomhairleachadh lùl luath eadar-theangaichte

Comhairle Baile Ghlaschu

Ùine Co-chomhairleachaidh:
18 Dàmhair gu 26 Samhain 2021

- Dè th' ann an Ro-innleachd Còmhdhail Ghlaschu?
 - Tha Comhairle Baile Ghlaschu a' cur ro-innleachd ùr còmhdhail ri chèile a bhios a' còmhdach a' bhaile air fad.
 - Stèidhichidh an ro-innleachd seo poileasaidhean air còmhdhail suas gu 2030.
 - Fiosraichidh e cuideachd mar a tha co-dhùnaidhean dèante air pròiseactan còmhdhail suas gu 2030.
 - Tha e a' mìneachadh na tha a' Chomhairle comasach a dhèanamh, ach cuideachd far am feum sinn obrachadh còmhla ri càch. Tha smachd dìreach againn air cuid de raointean còmhdhail sa bhaile, ach chan eil orra uile.



- Dè tha sinn a’ feuchainn ri choileanadh le Ro-innleachd Còmhdhail Ghlaschu? Seo na “builean” no cinn-uidhe.
 - Tha còmhdhail a’ cur ri eadar-ghluasad soirbheachail is ceart gu baile-mòr a tha càrbon-neodrach, glan agus seasmhach.
 - Tha àite deimhinneach aig còmhdhail ann an dèiligeadh ri bochdainn, leasachadh slàinte agus lùghdachadh neo-ionannachdan.
 - Tha còmhdhail a’ cur ri soirbheachadh eaconamach a tha in-ghabhalach is leantainneach agus ri baile-mòr a tha daineamach aig ìre chruinneil.
 - Tha àiteachan gan cruthachadh far an urrainn dhuinn uile soirbheachadh, a dh’aindeoin comas gluasaid no teachd-a-steach, tro nàbaidheachdan taiceil agus Meadhan Baile in-ghabhalach.



- Cuid de na prìomh phoileasaidhean san Ro-innleachd Poileasaidh:
 - Siostam còmhdhail a tha a’ cur coiseachd is cuibhleachadh is rothaireachd an toiseach, an uair sin còmhdhail poblach agus càraichean aig an deireadh.
 - Cuimse air “nàbaidheachdan taiceil” le muinntir na coimhearsnachd an sàs ann an co-dhùnaidhean.
 - Ro-innleachd Siubhail Gnìomhach ùr le barrachd slighean rothaireachd nas sàbhailte agus suidheachaidhean nas fheàrr do luchd-coiseachd, agus dhaibhsan le duilgheadasan gluasaid (faic <https://www.glasgow.gov.uk/activetravel> airson co-chomhairleachadh air leth mun seo).
 - Meadhan baile a tha nas cuimsichte air daoine agus nas lugha air carbadan.
 - Siostam còmhdhail sàbhailte le casgan astair de 20mìle san uair.
 - Barrachd smachd air parcadh le prìomhachas ga thoirt do luchd-còmhnaidh agus dhaibhsan le duilgheadasan gluasaid, agus comasachadh cothrom luchdachaidh do ghnòthachasan. Nas lugha parcaidh air an t-sràid sa bhaile gus barrachd farsaingeachd fhàgail airson coiseachd, cuibhleachadh, rothaireachd agus còmhdhail poblach. Barrachd parcaidh agus parcadh nas fheàrr do rothairean.
 - Seirbheisean bus nas fheàrr, le barrachd prìomhachais air-rathad, agus faraidhean nas reusanta.
 - Siostam còmhdhail nas ceangailte, nas fhasa a chleachdadh, le tiogaidean a ghabhas cleachdadh le barrachd na aon dòigh siubhail.
 - Rannsaich siostam ùr Metro Ghlaschu.
 - Carbadan nas glaine le nas lugha truailidh don àile agus don ghnàth-shìde, a’ cleachdadh cumhachd agus connadh nas glaine.
 - Siostam còmhdhail nas cothromaiche agus nas co-ionann.
 - Cleachdadh teicneòlas gus taic a thoirt do dhaoine a bhith a’ siubhal gu sàbhailte agus gu h-èifeachdach air chois, air rothair, air còmhdhail poblach agus còmhdhail co-roinnte.
 - Fiosrachadh nas fhasa a thuigsinn agus barrachd fiosrachaidh air-loidhne.
 - Cur taic ri gluasad bathair a’ cleachdadh charbadan le sgaoilidhean ìosal.
 - Siostam còmhdhail as urrainn dèiligeadh ri atharrachadh gnàth-shìde, agus a tha a’ toirt feabhas air ar n-àrainneachd.
 - Siostam còmhdhail a tha a’ toirt cothrom do dhaoine air obraichean agus trèanadh, foghlam, biadh ùr, cùram-slàinte agus seirbheisean deatamach eile.



- Seo geàrr-iomradh farsaing air poileasaidhean lìbhrigidh:
- Taobh a-staigh na Comhairle, bidh sinn ag obair gus ar n-oidhirpean agus ar poileasaidhean a cheangal ri chèile nas fheàrr.
- Co-obrachidh sinn le com-pàirtichean sa bhaile, san roinn agus gu nàiseanta air amasan còmhdhail.
- Obraichidh sinn gus dèanamh cinnteach gu bheil tuigse nas fheàrr aig daoine air ar poileasaidhean agus ar co-dhùnaidhean mu chòmhdhail, le cothrom nas fheàrr air fiosrachadh.
- Leanaidh sinn air adhart a’ rannsachadh dhòighean nas fheàrr air còmhdhail a ruith sa bhaile agus san roinn , gus dèanamh cinnteach gu bheil e nas ceangailte.
- Leanaidh sinn air adhart a’ toirt an fheum as fheàrr à sruthan maoinichaidh ùr-ghnàthach bhon taobh a-muigh airson leasachaidhean còmhdhail.



- Ciamar as urrainn dhut beachd a thoirt air Frèam Poileasaidh Ro-innleachd Còmhdhail Ghlaschu?
- Theirig gu www.glasgow.gov.uk/transportstrategy
 - Mas urrainn dhut, leugh Easy Read Frèam Poileasaidh Ro-innleachd Còmhdhail Ghlaschu, no fiù am Frèam Poileasaidh Iomlan – tha barrachd mion-fhiosrachaidh annta.
 - **Lìon an t-suirbhidh air-loidhne** agus thoir dhuinn do bheachd air an dreachd Frèam Poileasaidh. San t-suirbhidh, faodaidh tu cuideachd “**poileasaidh a chruthachadh**” gus am beachdaich sinn air.
 - Ma tha thu a’ riochdachadh buidheann gnothachais no buidheann coimhearsnachd, cùm sùil air puist-d bho ConnectingCommunities@glasgow.gov.uk mu sheiseanan deasbaid air-loidhne eadar 18 Dàmhair agus 26 Samhain.
 - Ma tha duilgheadas agad le Beurla cuir do bheachd poileasaidh dìreach gu ConnectingCommunities@glasgow.gov.uk nad chànan fhèin agus nì sinn oidhirp air eadar-theangachadh.



Tapadh leat airson ar n-iùl luath eadar-theangaichte gu Ro-innleachd Còmhdhail Ghlaschu a leughadh: Frèam Poileasaidh airson Deasbad is Co-chomhairleachadh

Na dìochuimhnich a dhol gu www.glasgow.gov.uk/transportstrategy

Lìon an t-suirbhidh air-loidhne agus thoir seachad do bheachd!